

ներին: Յատկապէս զնդակահարած է ընկ. Միկոյեանը: Խորհրդային կառավարութիւնը մեծ վրդովմունքով իմացաւ Հայաստանի կոմունիստական շարժման գործիչների վերաբերմամբ գործադրուող կամայականութիւնների մասին»:

Մարդիկ խօսում էին հազարաւոր սպանւածների մասին, այն ինչ, ամբողջ բուլղարիկեան շարժման ընթացքում բոլոր ձեռքակալւած բուլղարիկների թիւը Հայաստանում 234 էր, որոնցից 120 հոգին ազատ էին արձակւած և մահապատժի էին դատապարտւած 3 հոգի: Լուրեր էին տարածում, որ զնդակահարւած է Միկոյեանը, մինչ Միկոյեանը Հայաստանի երես անգամ չէր տեսած:

Հայ բուլղարիկների նման ընթացքն էր, որ անյաջողութեան մասնեց Հայաստանի Հանրապետութեան ու Խորհրդային Ռուսաստանի միջև սկսւած բանակցութիւնները:

Հիւսիսային Կովկասը խորհրդային իշխանութեան ձեռքը անցնելուց յետոյ Խորհրդային Ռուսաստանի պատասխանատու ներկայացուցիչներից ոմանք, Հայաստանի հիւսիսային ներկայացուցիչների միջոցով, քանիցս խորհուրդ էին տւել պաշտօնական բանակցութիւններ սկսել Մոսկւայի հետ՝ բարեկամական դաշինք կնքելու նպատակով: Հայաստանի կառավարութիւնը ինքն էլ գղում էր նման քայլի անհրաժեշտութիւնը, մանաւանդ, երբ կարծիր բանակը մօտեցաւ Ազրբէյջանին: Ապրիլի վերջերին Երևանում կազմեց մի պատերազմութիւն — նախագահ՝ Լ. Շանթ, անդամներ՝ Հ. Տէրտէրեան և Լ. Զարաֆեան, որին յանձնարարւեց անմիջապէս մեկնել Մոսկւա խորհրդային իշխանութեան հետ, յանուն Հայաստանի, բանակցութիւններ վարելու և բարեկամական դաշինք կնքելու նպատակով: Պատերազմութեան տրեցին հետեւեալ հրահանգները. 1. Խորհրդային Ռուսաստանը պէտք է ճանաչէ Հայաստանի անկախութիւնը՝ ընդունելով Հայաստանի սահմաններում և Ղարաբաղն ու Գիւլիստանը, 2. Խորհրդային Ռուսաստանը, զոնէ սկզբունքով, պէտք է ընդունէ թիւրքահայ հոգերի կցումը Հայաստանին, 3. Խորհրդային Ռուսաստանը չպիտի միջամտէ Հայաստանի ներքին գործերին. չպիտի Հայաստանում կոմունիստական գործունէութիւն ցոյց տայ, 4. Խորհրդային Ռուսաստանը պիտի թոյլ տայ, որ Հիւսիսային Կովկասում և Ռուսաստանում դանւոյ հայ գաղթականները վերադառնան Հայաստան, և մի շարք ուրիշ հարցեր:

Պատերազմութիւնն անյապաղ մեկնեց Մոսկւա: Այդ առթիւ, մայիս 4-ին վարչապետ Օհանջանեանը Զիչերինին քաջեց հետևեալ հեռագիրը.

«Բանտրական, զինտրական ու դիւղացիական պատգամաւորների համառուական երրորդ համադումարի որոշման համաձայն, որ յայտարարել է Հայաստանի ինքնորոշման ազատութիւնը, և հիմնելով ժողովրդական կոմիսարների նախագահ Լենինի 1918թ. յունւ. 13 դեկրետի վրա՝ անկախ, միացեալ, ղեմոկրատիկ Հայաստանի Հանրապետութեան կառավարութիւնն առջարկում է Ռուսաստանի ընկերվարական կառավարութեան բանակցութիւնների մէջ մանկ նրա հետ երկու հանրապետութիւնների միջև պայմանագրային յարաբերութիւններ հաստատելու համար՝ Հայաստանի Հանրա-